

ԿԱՐԳ ԵՎ ՁԵՎ
«ՀԱՄԱՅՆՔԻ ՂԵԿԱՎԱՐԻ ՄԵՂԱԼ»-Ի ՇՆՈՐՀՄԱՆ

«Համայնքի ղեկավարի մեղալ»-ը (այսուհետ՝ մեղալ) շնորհվում է՝ Վաղարշապատ համայնքին բացառիկ ծառայություններ մատուցելու և նրա բարօրությանն ուղղված.

1) համայնքում ծավալած պետական, գիտական, ստեղծագործական, մշակութային և այլ գործունեության համար,

2) ազգային փոքրամասնությունների հետ բարեկամության ու համագործակցության ամրապնդմանը և օտարերկրյա պետությունների հետ փոխշահավետ գործակցության զարգացմանը նպաստելու համար.

3) ի շահ Վաղարշապատ համայնքի և համայնքի բնակիչների իրականացրած բարեգործական գործունեության համար.

4) Վաղարշապատ համայնքի զարգացման գործում մեծ ներդրումների, համայնքի բնակիչների բարեկեցությանը միտված գործունեության համար.

5) Վաղարշապատի համայնքապետարանում երկարատև, նվիրված, անբասիր աշխատանքի և մասնագիտական բարձր որակներ ցուցաբերելու համար:

2. Մեղալը շնորհում է Հայաստանի Հանրապետության Արմավիրի մարզի Վաղարշապատ համայնքի ղեկավարը (այսուհետ՝ համայնքի ղեկավար):

3. Մեղալն իրենից ներկայացնում է բրոնզե շրջանաձև մեղալ, որի դիմային մասում պատկերված է Վաղարշապատ համայնքի զինանշանը: Մեղալի դարձերեսին պատկերված է Էջմիածնի Սուրբ Հռիփսիմե եկեղեցին, երիզված՝ զարդանախշերով և «St Hripsime Church» գրառումով:

4. Մեղալով պարգևատրելու որոշումը կայացնում է համայնքի ղեկավարը:

5. Մեղալը հանդիսավոր պայմաններում պարգևատրված անձին է հանձնում համայնքի ղեկավարը:

6. Համայնքի ղեկավարի մեղալով կրկնակի պարգևատրում չի կատարվում:

7. Համայնքի ղեկավարի մեղալի հետ տրվում է վկայական:

8. Մեղալի շնորհման արարողակարգային հարցերը վերապահվում են համայնքի ղեկավարի խորհրդականին:

Ձև

Համայնքի ղեկավարի մեղալի

